

Lighting Parade tabata parada di luz cu disfraz



ORANJESTAD(AAN)— A ser spera cu lo no tin hopi pieza den e Lighting Parade cu un tempo tabata e Reina di paradanan, y cu a bira mas un parada di gruponan di carnaval cu luz.

Tabata e grupo di Jozf Arends "Happy Gang" cu a trece e toque di Lighting Parade di Aruba Tivoli Club den e parada, y tambe e piezanan di TOB. Los Laga bay tabata hopi

anima cu nan Sultannan di Ambiente tur na uz, cu musica formidable di Solo Banda Show, mientras cu Hospi Jollies tambe cu nan celebracion a sali cu un pieza bunita di presentacion cu e anochi ey nan a termina prome cu comienzo di parada, y cu Blade resaltando musicalmente un biaha mas. Hopi bunita tabata e carosa di reina hubenil di Graficas Arua y e tema di Las Vegas dunando e publico un "mirada" chiquito den e palacio di paradanan fin di siman venidero.

Graficas a presenta luhoso cu shoulderpiecenan di boa na cantidad bao di animacion musical pisa di Oreo.

Bunita tabata e uso di colornan y combinacion di colornan cu normalmente ta contrasta otro. E roadpiece di Masquerade di Eric Arends cu su plumanan fasant tiña tambe a resalta y den e parti di tigernan, por a mira e combinacion atrobe cu plata y e massa cu a sigui cu geel, plata y combinacionnan.

hopi anima y luhoso Graficas Aruba tabata y tabata un invitacion cu ta laga mirones curioso pa sa con nan lo presenta diasabra y diadomingo awor.

Den e Happy Gang cu tema Fantasia Geometrico un biaha mas e pieza cu Dr. Jacques van Veen a briya dunando e publico e movecionnan cu ta desea di mira den piezanan, y cu e luznan neon dunando e celebracion real riba caya den forma di iluminacion.. E pabien di 25 aniversario di e parada tambe maraviyoso cu su champaña.

Grupo Champagne cu su "Fantasia di el dorado" tambe cu su plumanan di fasant y boanan, a trece e publico den imaginacion di el dorado caminda tur sorto di piedra y hoyanan tabata ser haya y e diferente sorto di oronan, segun e leyenda.

Den e trahenan di Grupo Champagne por a nota e diferente combinacionnan di oro cu oranje y aki tononan contratando otro dunando un efecto hopi bunita.

Tanto Zodiac como BMW a duna lo mihor cu nan tabata por den animacion di e poco mas di 300 participantenan.

TOB a join cu Happy Gang den trece loka ta spera di Lighting Parade, y un biaha

mas Sra. Enid Croes Marrugg tabata e reina di parada cu su roadpiece cu Mercurio, uranos y Neptunes combina. E banda youth X-treme tabata tin e participantenan masha anima henter parada y di e constumenan di TOB e combinacion di color, verde, blauw y biña y combina cu blanco a resalta den luz cu tabata tin.

Jubilee Caranval Group mescos cu Champagne, Graficas, y TOB a duna e publico un bista masha chiquito di kico por spera e siman aki den e paradanan grandi. Jubilee cu musica di Impak a haci impacto atrobe cu nan combinacion di colornan riba e diferente costumenan.

Blanco, oro, plata separa y combina tabata precioso.

PEVESA den e parada aki a stop di ta grupo pa solamente parada di luz y Lighting parade.

E comentario general tabata cu hendenan kier mira PEVESA como grupo di carnaval hunto cu e otronan cu ta ser considera grandi pasobra ya PEVESA tin number den carnaval.

Masha bunita tabata e uso di bandanan di Setar cu ultimo dos dianan prome cu parada e participantenan a ricibi y cu colornan di e compania cu ta combina perfectamente cu e diferente tipo di costum di gitano cu integrantenan di Gypsy Fantasy tabata tin.

NBO a demostra cu e grupo aki cu no ta pornada nan tin fama riba tur isla den caribe y

masha popular na Miami. Nan tabata tin PEVESA anima constantemente for di comienzo te fin..

Sunrise Group tambe a presenta cu e oro cu e aña aki ta dominando sigur den paradanan di fin di siman venidero. Nan parti dilanti di Egipto ta pa publico haya un tiki di e sabor di fina di siman nos dilanti.. E "zoro" cu tabata e parti patras a cera nan participacion di paradanan di e aña aki cu broche de oro pa converti den den egipcianan fin di siman..Party People tambe ta un grupo riba cual mester tira bista.

E inovacion di e anochi tabata e presentacion di Tsunami riba pantaya durante e recorido y e banda aki a ser elogia e anochi aki di tabata tin e mihor sonido tambe.

Flash in the Dark a presenta nan Jungle Jane and Tarzan bao di musica di LeGroove.

Aki a ripara cone participantenan tabata baila y canta "For my Fans" di T-Money y a trece back poco di e nostalgia di prome añanan di carnaval caminda tabata haya e gruponan cantando hopi cu e musica di roadmarch.

Pa un toque mas di kico por spera di oro fin di siman aki, Flash Carnival Group a presenta cu "Golden Fantasy" cu e banda Splash pa cera e parada...

E luz grandi cu tabata spera tras di Last Lap Band e anochi aki a manera keda invisible pa cameranan capta durante parada.